

Obavijest o Odluci visokog predstavnika da ukine zabranu izrečenu Feridu Hodžiću Odlukom visokog predstavnika od 29. aprila 1999. godine

72/14

Svojom Odlukom od 29. aprila 1999.godine ("Odluka iz 1999.godine"), visoki predstavnik je smijenio gospodina Ferida Hodžića s položaja ministra unutrašnjih poslova Tuzlanskog kantona. Navedenom Odlukom takođe je zabranjeno g. Hodžiću obavljanje funkcija kantonalnog ministra unutrašnjih poslova ("zabrana").

Na osnovu razmatranja predmeta g. Hodžića, odlučio sam da ovu zabranu ukinem. Gospodinu Feridu Hodžiću se odlukom visokog predstavnika više ne zabranjuje da obavlja funkcije kantonalnog ministra unutrašnjih poslova. Radi izbjegavanja svake sumnje, svaka zabrana koja proizlazi iz Odluke iz 1999. godine ovim se putem ukida.

Ovakav ishod opravdavaju načela pravičnosti, pravilnog upravljanja i razboritog ispunjavanja međunarodnog mandata visokog predstavnika, kojima se uzima u obzir ravnoteža između zaštite državne stabilnosti i prava pojedinaca.

Ovom Odlukom ne dovodi se u pitanje validnost Odluke iz 1999. godine. Ovom Odlukom ne ovlašćuje se g. Hodžić da se vrati na dužnost sa koje je smijenjen na osnovu Odluke iz 1999. godine. Takođe, ovom Odlukom, njemu se ne daje pravo na odštetu po osnovu bilo koje naknade, drugih oblika neostvarenih novčanih beneficija ili privilegija odnosno statusa koje je izgubio kao rezultat Odluke iz 1999. godine.

Ova Odluka ne predstavlja amnestiranje nego prospektivno ukidanje Odluke iz 1999. godine. Odluka iz 1999. godine se ne briše i ostaje kao integralni dio zakonodavne evidencije Bosne i Hercegovine.

Ovom Odlukom se ne utiče na rješenje niti se njome na drugi način ne prejudicira rješenje u bilo kojem pravnom postupku koji se vodi ili će se voditi unutar ili izvan Bosne i Hercegovine.

Ukoliko su odredbe ove Odluke u suprotnosti s domaćim zakonodavstvom u vezi sa bilo kojim od predmeta koji su njom obuhvaćeni, ova Odluka će biti mjerodavna. Odluke visokog predstavnika imaju veću pravnu snagu i prednost u odnosu na domaće zakonodavstvo koje je s njima u suprotnosti. Ovom zakonodavnom izjavom deklarativno se obuhvaćaju postojeće i buduće odluke visokog predstavnika.

Ova Odluka stupa na snagu odmah i ne zahtijeva preduzimanje nikakvih dodatnih proceduralnih radnji.

Ova Odluka se objavljuje odmah u "Službenom glasniku Bosne i Hercegovine".

Sarajevo, 19. avgusta 2014.

Dr. Valentin Inzko
Visoki predstavnik